

ACTIVIDADNAN CELEBRACION AÑA DI LA REINA

ORANJESTAD(AAN)- Mañan dia 30 di April lo bay tin diferente actividadnan ariba ariba nos isla. DIARIO a logra copia algun di e celebracionnan aki y ta trece un reportahe chiquito pa asina yuda e pueblo en general celebra e dia aki en grande.

SPORT CENTRUM SOLITO - R.C.A.

Na Sport Centrum Solito e celebracion di aña di La Reina ta cuminsa pa 10'or di mainta cu weganen deportivo. Mainta 10'or lo tin un wega di Baby Futbol entre muchanan di 5 pa 7 aña.

Pa 11'or di merdia lo tin e encuentro entre Combinacion Lifida A-B.

Despues di e partido di futbol aki lo sigui pa 12'or weganen popular manera pustamento di flie, coremento den saco, rancamento di cabuya, touwtjes trekken y tur otro weganen popular.

Atardi pa 4'or lo termina e celebracion di aña di la Reina cu futbol atrobe entre Lifida Aspirant.

Comision Juvenil di R.C.A. ta spera tur mayornan y tambe tur miembronan pa por ta presente y tambe tur fanatico pa bay apoya nan muchanan e dia aki.

Tambe lo tin un cushina bon surti cu pastechi, hamburger, hotdog y 11.30 padilanti lo tin entrega di barbeque.

TERENO DI VIDEO CENTER

Pa 9.00 di mainta lo tin apertura di celebracion aña di La Reina cu tocamento di Himno y Hizamento di bandera.

Despues lo sigui cu coremento den saco pa tur edad, coremento cu lamoenchi den cuchara (bao 14 aña), hisamento di flie: mas halto, mas bunita, mas grandi; Comemento di appel na liña (bao 14 aña); coremento rond di veld 3x, (15 aña pariba); yena botter cu awa (bao 14 aña); pustamento di bicicleta (tur edad); core pia mara (bao di 14 aña); rancamento di cabuya (tur edad); baile di aperlsina (tur edad) y subimento di palo di seba.

Weganan di futbol veterano ta cuminsa pa 4'or en adelante. Lo bay tin premionan manera pasashi pa Miami, weekend stay y hopi mas premionan atractivo.

Bar y cushina manera semper ta bon surti.

S.V. ARUBA JUNIORS

Ariba veld di Sportvereniging Aruba Juniors tin e celebracion di Aña di La Reina pa copa Luis Swaen. Cuminzando pa 10.30 di mainta lo bay tin encuentonan di softball entre Avia Air Braves y North Eagle Stars sigui pa 12'or entre Hilton S.B.T. y Sugar Kings y 2'or p.m. Tromp Cement Prod. vs. A.T.C.O.

Pa 7'or di anochi lo bay tin encuentronan di basketball entre R.C.A. Force y Petfalim Boys-Cadet, 8'or entre Estrella Shell vs. Scuba Aruba Dolphins-Cadet; y pa 9'or Chinese Ling & Sons vs. Tropicana Warriors-Junioren.

ZEEROVERS

S.V. Zeerovers lo tene Aña di La Reina nan acostumbrado All Tackle Fishing Tournament. E programa ta prepara pa cuminsa pa 5.30 di mainta te cu 4'or di atardi. Pa 5'or di atardi lo tin baile y pa 6'or di atardi lo tin entregamento di premios.

For di 12'or padilanti lo tin e famoso seafood.

CLUB PAROKIAL PARADERA

E aña aki Oranje Comitte Paradera lo celebra su Dia di La Reina bao afdak.

Lo bay tin cambio den e oranan di costumber p.e. debi cu no tin un tereno adecuado pa subimento di flie. E subimento di flie mas halto lo no tum alugar pero si e flie mas grandi, mas chiquito, mas original y mas bunita. Esaki lo tuma ulgar pa 8.30 pa 9'or di mainta den club bao afdak.

Pa 9.15 lo start sali cu balansamento di auto dilanti club pa 10.15 lo sigui pa weganen popular tanto pa mucha te cu esnan di 100 aña ariba.

Lo bay tin cushina di lembe dede y e bar a la Oranje Comitte Paradera.

BUBALI SPORT CLUB

10.00 a.m. Himno di Hulanda sigui pa hisamento di bandera, Himno di Aruba sigui pa hisamento di bandera.

10.15 Discurso di presidente.

10.30 a.m. Hisamento di flie special pa muchanan pa e flie mas grandi, mas bunita, mas chiquito, mas halto y esun cu ta para mas keto y lo tin un premio pa esun mas espectacular. 12.00 lo cuminsa cu weganen popular.

Pa 5'or lo tin rancamento di cabuya pa homber y muher, sigui pa subimento di palo di Ceba pa 6'or, 7'or lo tin wega di futbol di damas Veterano entre Saban Liber y Bubali.

Chin's Disco lo tey for di 8'or en adelante pa los e pianan. Durante dia tin oportunidat pa hunga domino den club y lo bay tin un bar y cushina bon surti.

CENTRO DI BARIO NOORD

Centro di Bario Noord lo tene un dia familiar cu weganen popular pa mucha y adulto. Esakinan lo cuminsa pa 10'or di mainta te cu 6'or di atardi.

Ariba e dia aki lo bay tin hisamento di flie cuminzando pa 10.30 di mainta sigui cu weganen popular pa mucha entre otro bulamento den saco, pustamento cu blokki, bailamento di stoel, bailamento cu apelsina, rancamento di cabuya, etc. Tambe lo tin oportunidat pa hunga domino durante dia.

For di 2'or en adelante lo tin oportunidad pa baila bao tononan musical di Tipico Los Amigos.

VELD DI ESTRELLA

Pa 10'or di mainta lo tin himno di Aruba sigui pa 10.30 pustamento cu lamoenchi den cuchara, coremento rond di veld, coremento cu tire, bulamento den saco, comemento di appel man mara, baile del perrito, rancamento di cabuya, subimento palo dis eba, futbol lifida, tiramento di penalty.

Pa 4'or di atardi lo tin futbol entre Selec. Colombia y Selec. di Peru y pa 6'or atardi Lee Tai Trading vs. Kas Ariba.

CENTRO DI BARIO AYO

Actividadnan di Aña di La Reina na Centro di Bario Ayo ta cuminsa pa 9.30 di mainta cu hisamento di flie ariba e tereno di Centro di Bario Ayo. Despues di hisamento di flie e actividadnan lo sigui na school cu e conocido weganen popular.

For di 1'or en adelante lo tin oportunidat pa baila ariba ritmonan di Placentero Ritmo y Cuerde.

Bar y cushina manera costumber ta hopi bon prepara.

PALO MARGA

Enconecion cu e di 10 aniversario na Palo Marga lo bay tin caredanan internacional aña di La Reina, Dia di Obrero y dia 2 di Mei. Lo tin participantenan di Puerto Rico, Venezuela, Bonaire, St. Maarten, U.S.A., Curacao y Aruba.